

云南史料丛刊

第二十九辑

云南大学历史系

云南地方古代史

(原民族历史)

研究室



k297.4
715
29

雲南史料叢刊第二十九輯目錄

讀史方輿紀要（雲南部分）



讀史方輿紀要雲南紀要概說

此書分歷代州域形勢九卷，十三司地理山川險要一百十四卷，川瀆異同六卷，天文分野一卷。有廣雅書局刊本及數種排印本。自序稱其父臨終遺命作書，痛明亡，思有以經世，乃為地理之學。創稿時年二十九，至五十歲始成書。序謂：「集百代之成言，考諸家之緒論，窮年累月，矻矻不休。至於舟車所經，亦必覽城郭，按山川，稽道里，以及商旅之子，征戍之夫，或與從容談論，考核異同。其用力之深，可想而知。書有其友人彭士望序，亦言祖禹踽踽窮餓於不顧，潛心著述，期有以濟世，非徒紙上空談。自來地志之書，多言景物名勝，而此書獨詳山川險易，古今用兵攻守之宜。其書取材於史，取捨謹嚴，組織亦密。每卷有提綱，解說低格，解說之文又有小注，故眉目清晰。魏禧作序曰：『祖禹貫穿諸史，出以己所獨見，其深思遠識，有在語言文字之

外者推為數千百年絕無僅有之作。又江藩漢學師承記顧
 祖禹傳謂讀其書可以不出戶牖而周知天下之形勝為地
 理之學者莫之或先。世人重其書也。關於方輿紀要凡雲南
 七卷（卷一一三至一一九）首為總述次以府州分題各紀沿
 革地理山川關隘其所取材大都出自天啓滇志引書著其
 名者有李京志滇程記滇畧諸書又引滇紀如按寧沿革鄧川與
鍾山順寧慶甸馮甦滇考所載同或即據滇考。馮甦滇考自序為康熙乙巳
 完成於庚申（十九年）在祖禹作書時得之又疑滇考即諸
 葛元聲滇史別名滇事紀畧省稱為滇紀也。又於總叙引白
 古通誤刻作
白虎通紀南詔蒙氏事蹟引繹年運志紀大理段氏事
 蹟疑為白古通玄峯年運志祖禹未必見此書惟祖禹所撰
 古今方輿書目（載方舟月刊）有楊霽南詔通紀及楊慎滇載
 記惟所載蒙段事與滇載記不同則或出自南詔通紀也。方國
 瑜識

讀史方輿紀要雲南紀要

雲南方輿紀要序

雲南古蠻瘴之鄉，去中原最遠，有事天下者，勢不能先及於此，然而雲南之於天下，非無與於利害之數者也。其地曠遠，可畊可牧，魚鹽之饒，甲於南服，石桑之弓，出鶴慶永寧二府境黑水之矢，蠻夷居黑水內，善造毒矢，着膚立死，今其種散居諸郡山谷間。獼獠、爨之人，率之以爭衡天下，無不可為也。然累世而不一見者，何哉？或曰：雲南東出思、黔，已數十驛，山川閒阻，倉卒不能以自達，故也。吾以為雲南所以可為者，不在黔而在蜀，亦不在蜀之東南而在蜀之西北。元人取道瀘州，置驛於永寧，赤水之間，蓋用蜀之東南，明初取道貴州，置驛於普定、普安之間，則又棄蜀而專事黔矣。大都郵驛之設，以京師為向背，而奪其徑易之路，示以畫一之途，亦制馭疆索者所有事也。沿襲漸久，遂徇耳目而廢其心思，

若謂雲南要害，舍黔中無可計者，是亦不知變也已。明初規取雲南，太祖諭傅友德曰：「關索嶺路本非正道，正道又在西北。此亦不專事黔中之一驗也。吾觀從古用兵，出沒恍惚，不可端倪者，無如蒙古忽必烈之滅大理也。自臨洮經行山谷二千餘里，自金沙江濟，降摩菽，入大理，分兵收鄯闡諸部，又入吐蕃，悉降其衆。夫從臨洮而抵金沙，亦不過二千里，行軍於無人之地，更不事假道蜀中也。夫彼可以來，我何不可以往？設有人焉，出麗江而北，招納諸番，結以信義，經上洮岷，直趨秦隴，天下之視聽必且一易，以為此師從天而降也。或者曰：此上策也。然而未易言矣。請言其次者，則盍觀蒙氏之已事乎？蒙氏之初，以小夷倔強，并有六詔。吾計其時，唐之天下尚無事也，而首發大難者，乃在南詔。鮮于仲通、李宓喪二十萬之師，而南詔之勢遂成。太和三年，嘗陷戍，擄邛三州，徑抵成都，寇東川，大掠而去。蜀中為之虛耗。大中十三年，寇播州。

陷之。咸通四年，寇西川。六年，陷舊州。先是，咸通二年，寇舊州，是年又陷
南，亂十四年，寇黔中。十五年，寇西川。明年，逼成都。乾符初，復寇
南，亂西川。蓋當天寶之時，以迄咸通，乾符之季，中國疲於奔命者，後
 先歷見。論者謂唐之式微，繇官蠹其內，南詔擾其外也。夫南
 詔以一隅之地，而能為中國患如此者，必取道會川而北，徑走
成都也。或者據韋齊休之說，以為清溪關能引雲南之寇，宋棄
舊州，而蜀遂無邊患。自此以後，古道遂湮，此非通論矣。夫棄清
溪關，必先棄舊州。舊州今阪圖內地也。明初，大理總管段實聞
太祖開國，遣其叔段真從，會川走金陵，奉表歸順。此出何道乎？
 今永寧、浪渠、北勝以東，姚安、武定以北，皆與蜀之鹽井、會川、東
川接界。自諸葛武侯平南中，以迄王建之破鄭旻，明玉珍之侵
 出（德按：「出疑為中」之誤）慶皆取道於會川之南。特未嘗規
 模前烈，赫然啟疆以梁、益為先務耳。故道豈盡榛蕪也。且臨
洮可以創行而越金沙，建昌何不可循迹而問兩川乎？或又

曰：往時雲南所以爭蜀者，以蜀為富饒耳。今時勢已異，兩川數千里間，盪為邱墟，得其地誰為之耕？得其城誰為之守？蜀所以不足問也。予曰：此又不然。蜀中幅員廣遠，山川修阻，亂寇之剪屠，大抵成都最甚。其竄徙窮僻，保聚山谷者，時亦不乏焉。誠廣為招徠，厚其生殖，擇噤喉之地，畫而守之，且耕且屯，嚴為訓練，敵來攻我，勢未能旦夕下也。轉輸則長安以南，道途險遠，出掠則村落鮮少，清野無虞，此亦坐制敵人之策矣。或曰：予之坐籌，若有餘矣，惜未身閱其際也。方東道孔棘時，專力以圖之，猶懼不足，尚能從容北顧，為多方誤敵之謀哉？予曰：此誤於不早圖也。昔祖逖以單弱之旅，慷慨渡口，及屯雍邱，居然重鎮，以劉曜石勒之強，不能為之難，使今有遠猷者出焉，統罷散之卒，入空虛之地，措置有方，應援盡中，安在不可奮然有為？而逡巡失據，望敵氣沮，使敵勢日彰，而吾境日蹙，以至於亡也。且也，吾專拒敵於東，而敵果不能為我。

患，是亦可也。我拒敵於東，而敵忽乘之於西，又將何以應之哉？俟敵之加我而後分兵以應之，何如敵未加我而先發以制敵，使敵不能測吾之虛實也。上策既未可行，中策又不知法，而局守於曲靖，晉安之郊，此最下策也。太祖固言之矣，曰：「關索嶺非雲南正路也，何其不三復乎此也？」君子蓋觀於蒙氏之所以興及段氏之所以亡者，而未嘗不為歛噓太息也。」

雲南一

崑山顧祖禹撰

禹貢梁州南徼地殷周時皆為蠻夷所居或曰即百濮之國

也。

逸周書獻令西南有厓里百濮厓里或曰今之車里百濮蓋以種分百國而名

其在天文亦井鬼之分野。

漢武帝元封二年間西南夷滇王降以其國置益州郡屬益

州部後漢增置永昌郡亦屬益州部三國時為蜀漢地又分

益州置交州

後主建興二年改益州郡為建寧又增置興古雲南二郡以南中閩遠置庾降督於建寧總攝之遙領交州刺史今曲靖

府廢味縣是其治也

晉泰始七年改置寧州太康三年復省入益州立南

夷校尉以護之大安三年復置寧州自是郡縣增置益多咸康四年分

置安州

晉春秋太寧以後寧州沒於李蜀咸康四年蜀李壽篡立分牂牁夜郎朱提越嵩置安州既又分興古永昌朱提雲南越嵩河陽六郡置

漢州明年寧州復為晉有晉宋志皆云是年置安州蓋即李壽所置而晉因之故云

八年仍并入寧州

晉結是年以越嵩郡還屬

隋宋齊因之。梁大同中，改置南寧諸州。承聖末，沒於羣蠻。隋開皇十七年，復開南中，仍置南寧州，領羈縻數十州。後又領於益州都督府。唐武德四年，置姚州。管羈縻州三十二。貞觀六年，於戎

州置都督府，督南中一十七州。後因之。

天寶元年，戎州督羈縻三十州，一百三十七縣，並荒梗

無戶口。

自開元之季，南詔漸強。

會要：開元二十六年，冊南詔蒙歸義為雲南王，歸義之先，本哀牢夷也。其地居

姚州之西，東南接交趾，西北接吐蕃。蠻語謂王曰詔。先有六詔，曰蒙舍、蒙越、蒙

柰浪、蒙漾、蒙越、蒙兵，力相埒，莫能相一。蒙舍最在南，謂之南詔。是時，皮邏閣浸

強大，而五詔微弱，會有破洱河蠻之功，乃冊為王，仍賜名歸義。於是以兵威脅

服羣蠻，不從者滅之，遂擊破吐蕃，徙居太和城。天寶以後，大為邊患。南詔記：六

詔者：一曰蒙舍詔，今蒙化府是；二曰浪穹詔，今浪穹縣是；後移今劍川州，改浪

劍詔；三曰鄧賧詔，今鄧川州是；亦作達賧詔；四曰施浪詔，今浪穹縣蒙次河山

之地是；亦作施浪詔；五曰摩些詔，今麗江府是；亦作越析詔；六曰蒙雋詔，今四

川建昌衛是。蒙舍最南，謂之南詔。五詔皆為所併。滇記云：滇西六詔之外，又有

時旁詔矣。川羅識詔，謂之八詔。此外不稱詔者，北有浪稽蠻、羅哥谷蠻，東有些

狄蠻、馬皮蠻，南有離東蠻、鍋鉗蠻，西有摩些蠻，與南詔越析相姻婭，皆哀牢雜

種九十九部之後也。諸蠻
併而為八，又併而為六云。

天寶九載，遂有雲南之地，僭國號

曰大蒙。

白虎通戰國時，楚莊踰滇，號為莊氏。漢元狩間，莊氏後有嘗羌者，與白虎王爭衡，武帝乃立白人仁果為滇王，而踰嗣絕。仁果傳十五

代為龍祐那，當蜀漢建興六年，諸葛武侯南征，師次白虎，立為酋長，賜姓張氏，遂世據雲南，或稱昆彌國，或稱白國，或稱建寧國，歷十七傳，當唐貞觀世，張樂

進求以蒙舍酋細農羅強，遂遜位焉。蒙氏者，烏蠻別種也。永徽四年，細農羅遣使入朝，上元元年，子羅炎晟立，太極元年，子晟羅皮立，唐封為臺登郡王，開元

二十六年，子皮羅閣立，以破洱河蠻功，乃賂劍南節度王昱，求合六詔為一，昱為請於朝，許之，賜姓名蒙歸義，冊為雲南王，自是益強。天寶八載，子閣羅鳳立，

始叛唐，取夷州三十二，進陷騰州，稱臣吐蕃，僭國號曰大蒙。其地東至銅柱鐵橋，蟠桃王榆，東南文趾，南至驃國木落山，西至大食，西北至吐蕃，北至神川，東

北至黔巫，回環萬里，西南夷中，稱為最強。

貞元十年，改國號曰南詔。

閣羅鳳之子曰鳳迦異，未立而死，子

異牟尋，以大曆十四年立，貞元四年，吐蕃冊為日東王，五年，復歸唐，十年，請改國號南詔，載記：異牟尋初立，常改國號大理云。

大中十三年，

改稱大禮。

異牟尋之子曰尋閣勸，尋閣勸之子曰勸龍晟，勸龍晟相繼立，勸利晟之子曰晟豐祐，太和三年，復叛唐，大中十三年，豐祐死，子祐

龍立，僭稱帝，國號大禮。死，子隆舜立，隆舜為其臣楊登所弑，子舜化真立。唐僖宗乾符四年，大禮酋龍卒，子法立，國號鶴祐，亦號大封人。龍即祐隆也，一作世隆，一作祐龍，法即隆舜也。又南詔自尋閣勸以後，其君皆稱驃信，猶中國稱帝云。光化四年，國亂，改稱大長和。

蒙氏自細奴羅傳至舜化真，凡十四世，二百四十七年。其臣鄭買嗣奪化真位而滅其國，改國號大長和，卒，子旻嗣，旻卒，子龍宣嗣，為其臣楊干貞所弑，鄭氏

傳三世二十八年而國滅。後唐天成三年，國號大天興，明年，稱大義寧。楊干貞殺

鄭隆宣，而推其黨趙善政立之，國號大天興，僅十月，干貞自取之。石晉天福國號大義寧，於是段思平起兵討平之。趙氏、楊氏得國共九年。

二年，屬於大理。宋初因之。釋年運志：段氏之先，為武威郡白人，有名份魏者，佐閣羅鳳有功，六傳至思平，而有

國，改號大理。十傳至段慶義，為其臣楊義貞所弑，自稱廣安皇帝。凡四年，而段氏臣高昇太以東方兵討滅之，立慶義子壽輝，復廢之，而立其庶弟正明。五年，

正明避位為僧，國人共奉昇太為主，而段中絕。自熙寧八年以後，段氏衰，元祐元年，高

氏代立，號大中國。元符二年，段氏復興，號後理國。高昇太既代段

氏將卒，囑其子太明，求段氏後，正諒立之。於是段氏復有雲南地。

高祐十二年

為蒙古憲宗蒙哥二年

蒙古忽

必烈滅大理

目正諒至段興智凡七傳而國滅前後凡二十二傳歷三百五十年段氏雖滅元人復設大理路軍民總管府以段氏子

孫世守其職

元至元十三年立雲南等處行中書省

治中慶路

元亡

其梁王把布剌瓦爾密及段明分據其地洪武十五年

討平之

段氏自段實暨段明有十一總管與元氏共為存亡

始置雲南等處承宣布政使

司今領府共二十二內羈縻者十一州共四十一內羈

縻者二又羈縻宣慰司六宣撫司二長官司二十四

為總

里六百二十四夏秋二稅大約十四萬五百八十九石有奇

而衛所參列其中今仍為雲南

布政使司

雲南府

屬州四縣九

昆明縣

附郭

富民縣

宜良縣

羅次縣

晉寧州 屬縣二

歸化縣 呈貢縣

安寧州 屬縣一

祿豐縣

昆陽州 屬縣二

三泊縣 易門縣

嵩明州

曲靖軍民府 屬州四縣二

南寧縣 附郭 亦佐縣

霑益州

陸梁州

馬龍州

羅平州

尋甸州

臨安府

屬州五

縣五

長官司九

建水州

附郭

石屏州

阿迷州

寧州

通海縣

河西縣

峨嵋縣

蒙自縣

新平縣

新化州

納樓茶甸

長官司

教化三部

王弄山

勸容甸

溪處甸

思陀甸

左能寨

落空甸

安南

澂江府

屬州二

縣三

河陽縣

附郭

江川縣

陽宗縣

新興州

路南州

廣西府

屬州三

師宗州

彌勒州

維摩州

廣南府 屬州一

富州

元江軍民府 屬長官司一

因遠羅必甸 附郭

直隸者樂甸長官司

楚雄府 屬州二 縣五

楚雄縣 附郭 廣通縣

定遠縣

定邊縣

磻嘉縣

南安州

鎮南州

姚安軍民府 屬州一 縣一